

Sindikata radnika u zdravstvu u Kantonu Sarajevo
Obala Kulina Bana 1
Broj: 213/17
Sarajevo, 31.03.2017. godine

ZAPISNIK

sa 11. Vanredne sjednice Glavnog odbora Sindikata radnika u zdravstvu u Kantonu Sarajevo održane 31.03.2017. godine sa početkom u 14,00 sati.

Prisutni članovi Glavnog odbora Sindikata radnika u zdravstvu u Kantonu Sarajevo (u daljem tekstu: Glavni odbor Sindikata): Vukas Haris, Balić Amir, Milišić Amel zamjena za Bešić Samira, Bijedić Lana, Brajković Mario, Bukvić Semra, Čaušević Amir, Delihasanović Kemo, Hasibović Tarik zamjena za Feta Zarifa, Gušić Edis, Habul Mirza, Hrustemović Dženana, Istenić Nermin, Koudeimati M. Bassam, Pekmez Medina Amina, Sadiković Senad, Selimić Edo, Zijadić Mustafa zamjena za Šljivo Anela i Tukelija Adnan.

Odsutni članovi Glavnog odbora Sindikata: Pepić Feka (pravdao).

Prije početka sjednice konstatovano je da je članovima Glavnog odbora Sindikata 30.03.2017. godine, putem e-maila, dostavljen usaglašeni tekst Prijedloga Granskog kolektivnog ugovora za Kanton Sarajevo, uz napomenu da su neusaglašeni članovi osjenčeni žutom bojom, te Izvještaj o finansijskoj reviziji UKCS za 2014. i 2015. godinu i Izvještaj o finansijskoj reviziji Budžeta KS za 2015. godinu, dok je na samoj sjednici podijeljeno Saopštenje za javnost Saveza samostalnih sindikata BiH od 29.03.2017. godine.

Za sjednicu je predložen sljedeći dnevni red:

1. Informacija o kolektivnim pregovorima za Kanton Sarajevo
2. Razno

Imajući u vidu činjenicu da je neposredno pred održavanje sjednice dostavljena Odluka OSO UKCS broj: 1207-195 od 30.03.2017. godine o imenovanju Vukas Harisa za člana Glavnog odbora Sindikata umjesto dosadašnjeg člana Avdić Emira ispred ove sindikalne organizacije, predloženi dnevni red je dopunjen novim tačkama o razrješenju i imenovanju člana Glavnog odbora Sindikata iz OSO UKCS. Također je definisano da se pod tačkom razno razmotri Dopis OSO UKCS broj: 1207-177 od 24.03.2017. godine, tako da usvojeni dnevni red glasi:

1. Razrješenje člana Glavnog odbora Sindikata iz Osnovne sindikalne organizacije UKCS, prim. dr Avdić Emira
2. Verifikacija članova Glavnog odbora Sindikata iz Osnovne sindikalne organizacije UKCS, Mr.sci.med.dr Vukas Harisa
3. Informacija o kolektivnim pregovorima za Kanton Sarajevo
4. Razno
 - a) Razmatranje Zahtjeva OSO UKCS broj: 1207-177 od 24.03.2017. godine

Ad1.

Glavni odbor Sindikata je jednoglasno donio Odluku o razrješenju prim. dr Avdić Emira funkcije člana Glavnog odbora Sindikata.

Ad2.

Glavni odbor Sindikata je jednoglasno donio Odluku o verifikaciji mandata i imenovanju Vukas Harisa za člana Glavnog odbora Sindikata.

Ad3.

Kemo Delihasanović, Nermin Istenić i Edo Selimić, članovi Pregovaračkog tima Sindikata, upoznali su prisutne da su neusaglašeni članovi Granskog kolektivnog ugovora za Kanton Sarajevo (u daljem tekstu: GKU) član 30. koji definiše satnicu i član 76. koji propisuje početak primjene GKU, a što je i označeno u dostavljenom usaglašenom tekstu Prijedloga GKU. Na sastanku Pregovaračkih timova održanom 29.03.2017. godine Ministrica zdravlja KS je predložila neto satnicu od 2,40 KM i primjenu GKU od 01.06.2017. godine. Direktor Zavoda zdravstvenog osiguranja KS je predložio neto satnicu od 2,35 KM, početak primjene od 01.06. ili 01.07. tekuće godine, smanjene koeficijenta diplomiranim medicinskim sestrama sa 3,20 na 3,00 i povećanje koeficijenta doktorima sa 3,50 na 3,70. Pregovarački tim Sindikata je istakao da Glavni odbor ovog sindikata traži da se na važeću neto satnicu od 2,28 KM doda 0,35 KM, kao što je učinjeno na nivou Federacije Bosne i Hercegovine gdje je na neto satnicu od 2,00 KM dodato 0,35KM i da se ispod toga ne može ići, te da je stav Sindikata da se u ovom momentu koeficijenti ne mijenjaju, kao i da je stavom 2. člana 33. GKU dat prostor poslodavcima da pravilnikom o radu razrade koeficijente unutar raspona koeficijenata između predloženih koeficijenata grupa složenosti poslova. Potom je Pregovarački tim Vlade KS upoznat da je sjednica Glavnog odbora Sindikata u petak 31.03.2017. godine, te će članovi Glavnog odbora Sindikata biti upoznati sa iznesenim prijedlozima visine neto satnice, nakon čega će zauzeti stav, a o kojem će pregovarački tim Vlade Kantona Sarajevo biti upoznat na sljedećem, posljednjem sastanku koji je dogovoren za 03.04.2017. godine i kojem će možda prisustvovati i kantonalni premijer. Shodno navedenom, predsjednik Sindikata je pozvao članove Glavnog odbora Sindikata da se izjasne da li ostaju kod stava da Pregovarački tim Sindikata ne pristaje na neto satnicu ispod 2,65 KM ili ima promjena što se tiče visine neto satnice.

Informacija o kolektivnim pregovorima za Kanton Sarajevo je primljena k znanju uz izjašnjenje članova Glavnog odbora Sindikata da se insistira na neto satnici od 2,65 KM s tim da je Balić Amir istakao da je za neto satnicu od 2,65 KM ali i za 2,40KM.

U okviru ove tačke dnevnog reda, a imajući u vidu činjenicu da je direktor Zavoda zdravstvenog osiguranja KS na pregovorima istakao da ovaj zavod ustanovama doznačava sredstva za plaću primjenom neto satnice od 2,31 KM i da se u određenom broju ustanova pri obračunu plaće primjenjuje neto satnica od 2,28 KM, kao i sadržaj Izvještaja o finansijskoj reviziji Zavoda o zdravstvenom osiguranju KS za 2015. godinu, Izvještaja o finansijskoj reviziji UKCS za 2014. i 2015. godinu i Izvještaja o finansijskoj reviziji Budžeta KS za 2015. godinu, konstatovane propuste i nepravilnosti, te broj izdatih preporuka u navedenim izvještajima, jednoglasno su doneseni:

ZAKLJUČCI

- 1. Uputiti dopis Zavodu zdravstvenog osiguranja KS kojim se traži očitovanje koju neto satnicu primjenjuje prilikom doznačavanja sredstava na ime plaća javnim zdravstvenim ustanovama, da li 2,31 KM ili 2,28 KM i ako doznačuju 2,31 KM da se izjasne od kada.**
- 2. Uputiti dopis Uredu za reviziju institucija u FBiH kojim se tražiti očitovanje da li su obavijestili nadležne institucije za provođenje zakona zbog indicija o postojanju**

značajnih kršenja zakona koja su navedena u Izvještajima o finansijskoj reviziji za ZZOKS, UKCS i Budžet KS.

- Bukvić Semra, iz opravdanih razloga, napustila sastanak u 15,00h. -

Ad4.

Predsjednik Sindikata je upoznao prisutne sa sadržajem Dopisa ovog sindikata broj: 200/17 od 25.03.2017. godine koji je upućen OSO UKCS, te sa aktom OSO UKCS broj: 1207-177 od 24.04.2017. godine. U diskusiji su učestvovali Brajković Mario, Hrustemović Dženana, Balić Amir, Koudeimati M. Bassam, Tukelija Adnan, Delihasanović Kemo, Vukas Haris, Sadiković Senad, Gušić Edis, Istenić Nermin i Selimić Edo.

Haris Vukas je diskutujući po ovoj tački dnevnog reda predložio da se na dnevni red uvrsti inicijativa, odnosno sazivanje Vanredne Skupštine Sindikata iz razloga što Glavni odbor Sindikata ne smije preuzeti odgovornost za uspjeh, odnosno neuspjeh kolektivnih pregovora, te da Skupština zauzme stav o kolektivnim pregovorima i da izabere vršioce dužnosti Upravnog i Nadzornog odbora, Statutarne komisije, kao i da izvrši korekcije Statuta Sindikata.

Nakon okončane diskusije, jednoglasno su (16 glasova ZA) doneseni:

ZAKLJUČCI

- 1. Pregovarački tim Sindikata radnika u zdravstvu u Kantonu Sarajevo ima postupiti po Odluci o imenovanju pregovaračkog tima Sindikata radnika u zdravstvu u Kantonu Sarajevo za zaključivanje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo broj: 126/17 od 02.02.2017.godine.**
- 2. Glavni odbor Sindikata radnika u zdravstvu u Kantonu Sarajevo ostaje kod svoje Odluke broj: 183/17 od 09.03.2017. godine da se Izvještajna Skupština Sindikata radnika u zdravstvu u Kantonu Sarajevo održi nakon okončanja kolektivnih pregovora.**

- Balić Amir, Hrustemović Dženana i Vukas Haris, bez opravdanja, napustili sastanak u 16,00h, prije glasanja o Zaključcima. -

Sjednica je završena u 16,00 sati.

Napomena:

Sastavni dio ovog zapisnika je tonski snimak rada 11. Vanredne sjednice Glavnog odbora Sindikata.

Zapisnik sačinila
Malićević Sanela, dipl. iur

Predsjednik
Prim. dr Edo Selimić